



Broj: FZ3/5/2-4-2-24-17/26
Mostar, 27.04.2026. godine



Na temelju članka 70. stav 3.) Zakona o javnim nabavkama Bosne i Hercegovine (Službeni glasnik BiH broj 39/14, 59/22 i 50/24), a u vezi s Odlukom Upravnog odbora Federalnog zavoda za mirovinsko/penzijsko i invalidsko osiguranje broj UOFZ-187/26 od 25.02.2026. godine, Obavještenja o javnoj nabavci objavljenom na Portalu javnih nabavki pod brojem 1023-7-1-23-3-34/26 dana 31.03.2026. godine, članka 8. Statuta direktor Federalnog zavoda za mirovinsko/penzijsko i invalidsko osiguranje, d o n o s i

ODLUKU

o

dodjeli ugovora najpovoljnijem ponuđaču za javnu nabavku roba

I

Dodjeljuje se ugovor za predmetnu nabavu roba – **Nabava tiskanica za potrebe Federalnog zavoda za mirovinsko/penzijsko i invalidsko osiguranje**, ponuđaču **“PRIMAPROM“ d.o.o. Banja Luka** sa ponuđenom cijenom od **12.100,00 KM** bez PDV-a, a nakon provedenog konkurentskog postupka javne nabavke, objavljenog obavještenja o javnoj nabavci na Portalu javnih nabavki pod brojem 1023-7-1-23-3-34/26 dana 31.3.2026. godine.

Obrazloženje

Ugovorni organ Federalni zavod za mirovinsko/penzijsko i invalidsko osiguranje je proveo konkurentski postupak za predmetnu nabavu roba.

Za predmetnu nabavu roba u zakonom predviđenom roku pristigle su četiri (4) ponude i to:

1. **“PLANJAX KOMERC“ d.o.o. Tešanj** sa ponuđenom cijenom u iznosu od 24.350,00 KM bez PDV-a;
2. **“PRIMAPROM“ d.o.o. Banja Luka** sa ponuđenom cijenom u iznosu od 23.837,10 KM bez PDV-a;
3. **„IC ŠTAMPARIJA“ d.o.o. Mostar** sa ponuđenom cijenom u iznosu od 24.313,50 KM bez PDV-a;
4. **„EUROLL“ d.o.o. Čitluk** sa ponuđenom cijenom u iznosu od 24.229,55 KM bez PDV-a.

Nakon verifikacije kvalifikacione dokumentacije kojom se dokazuje podobnost ponuđača, Komisija je konstatala da:

1. Ponuđač „PLANJAX KOMERC“ d.o.o. Tešanj

Ponudač „PLANJAX KOMERC“ d.o.o. Tešanj u svojoj Ponudi NIJE dostavio Bilancu uspjeha, sukladno traženoj točki 4.3.2. pod a) tenderske dokumentacije, koja glasi:

„4.3.2. Ocjena ekonomskog i financijskog stanja ponuđača će se izvršiti na temelju dostavljene izjave ovjerene od strane ponuđača koja se dostavlja u formi utvrđenoj u Aneksu 4 koji je sastavni dio tenderske dokumentacije koja se odnosi na ekonomsko-financijsku sposobnost; u skladu s čl. 47. st. 4. ZJN.

Uz Izjavu potpisanu od strane ponuđača i ovjerenu pečatom ponuđača, koja ne smije biti starija od datuma objave obavještenja za predmetnu nabavku i koja se nalazi kao prilog tenderske dokumentacije Aneks 4 se dostavlja i dokument:

a) kopija bilance uspjeha za posljednju financijsku godinu za koju se raspolaže sa podacima ili od datuma registracije ponuđača, odnosno početka poslovanja ukoliko je ponuđač registriran, odnosno počeo sa radom prije manje od tri godine.“

Umjesto tražene Bilance uspjeha, ponuđač „PLANJAX KOMERC“ d.o.o. Tešanj je u svojoj ponudi dostavio „Izveštaj o finansijskom položaju na kraju perioda (Bilans stanja) na dan 31.12.2025. godine“, što nije sukladno zahtjevima iz točaka 4.3.1. pod a) i 4.3.2. pod a) tenderske dokumentacije.

Upravo bilanca uspjeha je dokument kojim se dokazuje ispunjavanje uvjeta iz točke 4.3.1. a) tenderske dokumentacije, tj. da ponuđač u posljednjoj financijskoj godini nije poslovao s gubitkom.

Kako ponuda „PLANJAX KOMERC“ d.o.o. Tešanj ne ispunjava kvalifikacijske uvjete definirane tenderskom dokumentacijom, ista je neprihvatljiva, te se ponuđač „PLANJAX KOMERC“ d.o.o. Tešanj diskvalificira iz daljnjeg postupka nabave u skladu sa člankom 68. stavak 4.) alineja i) Zakona o javnim nabavama („Službeni glasnik BiH“, br: 39/14, 59/22 i 50/24).

2. Ponuđač „EUROLL“ d.o.o. Čitluk

Također Komisija je konstatala da je u Ponudi ponuđača „EUROLL“ d.o.o. Čitluk nejasno definirana vrsta ugovora koji je vezan za predmet nabave, te mu je putem e-maila upućen zahtjev za pojašnjenje Ponude koji se odnosi na ispunjavanje uvjeta tehničke i profesionalne sposobnosti iz točke 4.4. tenderske dokumentacije.

Konkretno, ugovorno tijelo je tražilo pojašnjenje u pogledu pojma „uredski materijal“ iz dostavljene Potvrde o uredno izvršenom ugovoru izdane od strane Addiko Bank AD Banja Luka, broj protokola 01-5-2188/2026 od 06.04.2026. godine, kojom se potvrđuje isporuka „uredskog materijala“ u ukupnoj vrijednosti od 54.718,63 KM bez PDV-a u razdoblju od 01.07.2024. do 30.06.2025. godine.

Ugovorno tijelo je putem emaila uputilo upit ponuđaču koji se odnosi na točke 4.4.1. i 4.4.2. tenderske dokumentacije kojom se zahtijeva iskustvo u isporuci robe koja je predmet nabave. S obzirom da navedeni pojam „uredski materijal“ iz dostavljene potvrde može obuhvaćati širi asortiman robe, ugovorno tijelo je zatražilo pojašnjenje koje konkretne vrste robe obuhvaćaju pojam „uredski materijal“ iz dostavljene potvrde, odnosno da li je isti uključivao tiskanice koje

su predmet ove nabave, te koji je udio odnosno vrijednost tiskanica u ukupno isporučenoj robi obuhvaćenoj navedenom potvrdom.

Ponudač je dostavio pojašnjenje kojim je potvrdio da pojam „uredski materijal“ obuhvaća sve artikle u uredskom poslovanju klijenta, te kako su tim pojmom obuhvaćeni personalizirani tiskani materijal (tiskanice): kuverte sa tiskom, nalozi za plaćanje, memorandumi, pasice za novac, kesice za novac, knjige, blokovska roba i sl. u iznosu od 33.372,23 KM od ukupno 54.718.63 KM, što prelazi minimalni prag od 20.000,00 KM bez PDV-a propisan točkom 4.4.1. a) tenderske dokumentacije.

Nakon dostavljenog odgovora Komisija je utvrdila da ponudač „EUROLL“ d.o.o. Čitluk ispunjava uvjete propisane točkama 4.4.1. pod a) i 4.4.2. tenderske dokumentacije te da može sudjelovati u daljnjem postupku.

3. Ponudač „IC ŠTAMPARIJA“ d.o.o. Mostar

Također Komisija je konstatala da je u Ponudi ponuđača „IC ŠTAMPARIJA“ d.o.o. Mostar kao dokaz ispunjavanja uvjeta tehničke i profesionalne sposobnosti iz točaka 4.4.1. i 4.4.2. tenderske dokumentacije, dostavljena Potvrda o uredno izvršenom ugovoru izdanu od strane Univerziteta „Džemal Bijedić“ u Mostaru od 04.03.2025. godine, kojom se potvrđuje da je ponudač uredno izvršio ugovorne obveze prema okvirnom sporazumu broj 101-1-1053/24, čiji je predmet definiran kao „Usluge štampanja“, u ukupnoj vrijednosti od 44.279,00 KM bez PDV-a.

Budući da tenderska dokumentacija (točka 4.4.1.) zahtijeva iskustvo u isporuci robe istovrsne predmetu nabave (tiskanice), a dostavljenom potvrdom kao predmet ugovora navedene su „usluge štampanja“, ugovorno tijelo nije bilo u mogućnosti sa sigurnošću utvrditi odnosi li se navedeno iskustvo na isporuku robe koja je predmet ove nabave. Pojam „usluge štampanja“ može naime obuhvaćati isključivo pružanje usluge tiska bez isporuke gotovog tiskanog proizvoda kao robe.

Ugovorno tijelo je putem e-maila uputio upit ponuđaču da li je u okviru navedenog ugovora vršena isporuka tiskanica kao gotovog proizvoda (robe) tj. listovne robe, blokovske robe, koverta, kartona i sl. koji su predmet ove nabave ili se radilo isključivo o pružanju usluge tiska te koji je udio odnosno vrijednost isporučenih tiskanica kao robe u ukupnoj vrijednosti ugovora.

Ponudač je dostavio pojašnjenje u kojemu je naveo da su u okviru ugovora (Univerzitet „Džemal Bijedić“ u Mostaru kao i Ugovora Vlada HNK/Ž) isporučivani svi artikli gotovih štampanih proizvoda odnosno robe, koji su ujedno predmet ovog postupka (listovna roba, blokovska roba, kartoni, koverta sa štampom, knjige tvrdog uveza, tvrdi uvez Službenih listova i sl.), te da udio isporučenih tiskanica i ostalih gotovih proizvoda kao robe u ukupnoj vrijednosti navedenih ugovora iznosi minimalno 90%. Ponudač je u prilogu dostavio i tendersku dokumentaciju i specifikaciju roba za navedene postupke.

Nakon dostavljenog odgovora Komisija je utvrdila da ponudač „IC ŠTAMPARIJA“ d.o.o. Mostar ispunjava uvjete propisane točkom 4.4.1. pod a) i 4.4.2. tenderske dokumentacije te da može sudjelovati u daljnjem postupku dodjele ugovora.

4. "PRIMAPROM" d.o.o. Banja Luka

Komisija je utvrdila kako je **ponuđač "PRIMAPROM" d.o.o. Banja Luka** uredno dostavio svu kvalifikacionu dokumentaciju, te da može sudjelovati u daljnjem postupku dodjele ugovora.

Komisija je za predmetnu nabavu zakazala e-aukciju 20.04.2026. godine sa početkom u 09:15 sati. Na zakazanoj e-aukciji su sudjelovala tri (3) ponuđača i ista je trajala od 09:15 do 09:55 sati.

Na zakazanoj e-aukciji ponuđač „PRIMAPROM“ d.o.o. Banja Luka je snizio cijenu za 49,24%, te sada iznosi 12.100,00 KM bez PDV-a.

Rangiranje ponuda nakon završene e-aukcije izvršeno je prema sljedećem redoslijedu uspješnosti:


1. „PRIMAPROM“ d.o.o. Banja Luka s cijenom u iznosu od 12.100,00 KM bez PDV-a;
2. „EUROLL“ d.o.o. Čitluk s cijenom u iznosu od 12.151,95 KM bez PDV-a;
3. „IC ŠTAMPARIJA“ d.o.o. Mostar s cijenom u iznosu od 18.049,00 KM bez PDV-a.

Nakon završene e-aukcije Komisija je konstatovala da je najuspješnija ponuda ponuđača „PRIMAPROM“ d.o.o. Banja Luka s cijenom u iznosu od 12.100,00 KM bez PDV-a.

Ugovorom sa ponuđačem "PRIMAPROM" d.o.o. Banja Luka precizirat će se pojedinosti oko predmetne nabave robe – Nabava tiskanica za potrebe Federalnog zavoda za mirovinsko/penzijsko i invalidsko osiguranje, a u skladu sa zahtjevima iz tenderske dokumentacije.

Žalba na ocjenu i izbor najpovoljnijeg ponuđača može se izjaviti u roku od pet (5) dana od dana prijema odluke. Žalba se izjavljuje u pisanoj formi ugovornom organu u skladu sa članom 99. Zakona o javnim nabavkama BiH

- Prilozi:** - Izvještaj o toku i završetku e-aukcije
 - Izvještaj o pitanjima i odgovorima sa Portala JN
 - Zapisnik o ocjeni ponuda
 - Obavijest



Dostaviti:

1. "PLANJAX KOMERC" d.o.o. Tešanj, Bobare 55, 74264 Jelah;
2. "PRIMAPROM" d.o.o. Banja Luka, Vidovdanska bb, 78 000 Banja Luka;
3. "IC ŠTAMPARIJA" d.o.o. Mostar, Karadžozbegova 1, 88 000 Mostar;
4. "EUROLL" d.o.o. Čitluk, Gospodarska zona Tromeda V1. 88260 Čitluk.